

Kualiti UNIMAS narit pelajar luar

ALVESTER BIGOL

KUCHING : Kira 60 peratus pelajar Universiti Malaysia Sarawak (UNIMAS) endang datai ari luar negeri Sarawak kelebih agi baka ari Semenanjung Malaysia, tu nandaka UNIMAS nyadi sebuah universiti ke pemadu dikerinduka pelajar ari menua bukai ketegai ditu bisi produk akademik ti bekualititi.

Penulung Menteri Dagang Temuai, Datuk Haji Talip Zulphlip madah, penatai bala pelajar ari luar negeri Sarawak tu meh peluang ke manah alai nyungkak ekonomi negeri kelebih agi ungkup orang dagang ba Kota Samarahan.

"Pemujur menua Kota Samarahan ke tebilang enggau nama bandar bepenemu ngujungka bagi menua tu dikerinduka bala temuai ari menua tu empu ketegai mayuh aktiviti akademik ti diatur raban UNIMAS.

"Nangkan ke nya mega, temuai menua luar mega

temegah datai ke Sarawak berindik ari penyulut UNIMAS ke mujur ngatur program pemansik, seminar, kursus, konsultansi enggau mayuh agi program ke bukai," ku iya.

Iya madah munyi nya rambau bejadi Pengerami UNIMAS Begulai Enggau Mensia Mayuh ke diatur ba Opis Kot Lama Komplek Dagang Temuai Sarawak ba ditu, kemari (Hari Enam).

Talip madah, nengah lapan fakulti, lima institut pemansik enggau tujuh palan penyulut raban pemansik, UNIMAS dikandalka endur nempa mayuh modal mensia ke menyana setipak enggau juluk ati menua nyadi menua maju maya taun 2020.

Bela balat nyungkak pemansang ekonomi bagi menua Kota Samarahan jam ke diatu ku iya, penumbuh palan pelajar ke bukai diserumba enggau palan bebeli barang ke bebesai enggau opis-opis perin-

tah baka Universiti Teknologi MARA tauka UiTM, Institut Latihan Perindustrian, Institut Perguruan Tun Razak, Kompleks INTAN, SALCRA enggau pasar besai ke benung digaga.

Dulu ari nya, Sapit Penulung Chanselor Pekara Pelajar enggau Alumni, UNIMAS, Profesor Mohd Fadzil Abdul Rahman madah, taja pan penumbuh UNIMAS agi baru iya nya semina 20 taun tang penyulut enggau penampak rita UNIMAS dikelala endang enda ulih dipetenah.

"UNIMAS diatu ukai semina mujur nempa graduan landik ba penemu pelajar tang mega ba mayuh bengkah penemu ke bukai, kelimpah ari nya, UNIMAS mujur ngatur program-program peringkat nasional enggau antarabansa baka pengerami nyuaka gelar, simposium, aum besai, eksibisyen enggau pengawa lumba," ku iya.

Tuju program UNIMAS Begulai Enggau Mensia Mayuh



TERIMA KASIH ... Datuk Haji Talip Zulphlip (tengah), Prof Mohd Fadzil Abdul Rahman (enam kiba) enggau Abdul Rahman Sebli Senusi (tujuh kiba), begambar ke pengingat enggau bala penerima bantu beserimbai enggau Pengerami UNIMAS Begulai Enggau Mensia Mayuh ke diatur ba Opis Kot Lama Komplek Dagang Temuai Sarawak ba Kuching. • SUZANNE EMPAM

diatur, ku Fadzil dikena bekunsi penemu enggau mandangka pengulih UNIMAS sepanjang 20 taun udah ditumbuh, pia mega dikena ngerapitka kaul enggau mensia mayuh.

Beserimbai enggau

perngerami tu mayuh bengkah aktiviti bisi diatur raban UNIMAS baka Program Meri Darah enggau Beperesa Pengerai pechuma, Eksibisyen The UNIMAS Trail, Short Film, Show, Kid's Corner, pengawa mandan-

gka main asal sereta beperindang enggau Kelab Main Asal UNIMAS tauka BAYU sereta pengawa mandangka fesyen tebuka ngagai mensia mayuh.

Sama bisi datai ba pengerami tu iya nya Kaban Opis

Direktor Datu Hajjah Jabidah bt Monseri, Chairman Pengatur Program Henry Tening Sengeng, Residen Samarahan Tuan Haji Ismail Mohd Hanis, bala Dekan enggau bala Pengelicha UNIMAS.